



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatvs De Necessitate Et Modo Ministrandi
Sacramenta Tempore pestis**

Chapeauville, Jean

Mogvntiæ, 1612

16. An etiam de peste suspectis?

urn:nbn:de:hbz:466:1-41077

consumendæ, propter periculum conta-
gionis, sane reuerenter afferuandæ sunt,
quia sub eis manet Christus, ea vero quæ
tales species contigerunt vel comburenda
vel purificanda sunt, iuxta ea quæ habentur
in regulis (a) Pii Quinti in Missali.

a §. Si sacer-
dos euomat,

QVÆSTIO XVI.

An etiam de peste suspectis?

Quæstionis explicatio.

SVspecti sunt de peste, vulgo, neque im-
merito, quotquot commorantur in ci-
uitate peste infecta, maxime si grassetur pe-
stis & plurimi quotidie moriantur; proba-
biles enim sunt causæ, huiusmodi vel iam
peste infectos esse, etiam si mœrbus non ap-
pareat, vel certe peste facile corripi posse;
occasione huiusmodi quæritur, an & his
pastores tenentur ministrare sacramen-
tum Eucharistiae?

Responsio.

TEnentur, si modo rite dispositi & pre-
parati sint, quia pastores tenentur dis-
pensare sacramenta, quoties subdit illa le-
gitime & rationabiliter petunt. De peste
autem suspecti rationabiliter illa petunt,
ergo. Maior est (b) Adriani, & fere o-
mnium Modernorum. Minor patet,
quia

quia hi omnes sunt in periculo mortis, in quo omnes tenentur se munire sacramen-
tis, ut ex antedictis notum est.

Dices: Poterunt etiam post meridiem & forte sumptum cibum ministrare suspe-
ctis, sicut & reliquis iam peste infectis?

R. Si pastor ingressus aedes peste infec-
ti reperit famulos & famulas, & alios post
cibum & potum sacramenta petentes,
quod sibi à peste timeant, non solum po-
test, sed etiam tenetur illis ministrare, prae-
fertim pœnitentia & eucharistia, quia licet
hoc sacramentum etiam non ieunis in
mortis periculo ministrare, illi autem, eti-
ad huc sani, ut apparer, sunt, tamen in peri-
culo mortis, cum pestis quotidie plerosq;
omnes corripiat, & statim morti tradit, ut
initio diximus.

Dices secundo: Licebit ergo passim in
ciuitate peste infecta ministrare hoc sacra-
mentum post meridiem & post sumptum
cibum?

R. Quod post meridiem detur illis, qui
non comedenterunt, non est difficultas, quia

a Gabr. lect. licet (*a*) consuetudine introductum sit pro-
14. in cano- pter maiorem reverentiam sacramenti, ut
nem missa. celebrans debeat ante meridiem inchoa-
Maior in 4. re & absoluere missam, communicans ta-
dist. 13. q. 4. men & non celebrans potest omni hora
commu-

communionem sumere: De aliis difficultas est, quæ prudenti pastoris iudicio penfanda est, potest enim talis esse aëris constitutio, ut omnes de ciuitate merito pro suspectis haberi possint, quibus consequenter alias rite dispositis, posset hoc sacramentum, etiam post sumptum cibum dari, ut colligere est ex illis, quæ initio huius tractus diximus.

QVÆSTIO XVII.

An etiam sibi ipsis peste infectis?

Quæstionis explicatio.

C^Asus est talis: Pastor concepit pestem, nec est iis viribus, ut possit sacrificare, neque est alius sacerdos qui possit aut velit viaticum illi ministrare, habet vero præconsecratas hostias, quas pro communione suorum subditorum referuabat, tenebiturne sibi ipsis ministrare, an vero à perceptione viatici excusatitur?

Responso.

SI existimet sibi necessarium viaticum, puta, quia absentibus aliis sacerdotibus non potest aliud sacramentum recipere, tenetur sibi ministrare, quia in tali casu teneretur alteri ministrare, ergo & sibi ipsis. Confirmatur, quia cum sit pastor, habet

Y ius